



FLETUDHËZUES I PAKETIMIT:  
Informacion për përdoruesin

# IKTIOL

## Pomadë – 10% (Iktamol)

Lexojeni me kujdes këtë fletudhëzues përpara se të filloni përdorimin e barit.

- Ruajeni këtë fletudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore përkeqësohet ose në qoftë se vëreni ndonjë efekt tjetër anësor, që nuk përmendet në këtë fletudhëzues, ju lutemi të njoftoni mjekun ose farmacistin tuaj.

### Në këtë fletudhëzues:

- Çfarë është Iktiol dhe përse përdoret?
- Përpara se të përdorni Iktiol
- Si ta përdorni Iktiol?
- Efekte anësore të mundshme
- Si ta ruani Iktiol?
- Informacion i mëtejshëm.

### 1. ÇFARË ËSHTË IKTIOL DHE PËRSE PËRDORET?

Iktiol përmban iktamol, i cili ka veprim antiseptik, antiparazitar dhe keratolitik.  
Për përdorim të jashtëm dermatologjik, Iktoli përdoret lokalisht në të gjitha format e dermatiteve ekzematose dhe në veçanti në ekzemën kronike, kur ka një trashje dhe deskuamim të theksuar të lëkurës, në psoriazë dhe erizipelë. Në sajë të vetive antiflogjistike-antiseptike dhe stimuluese të qarkullimit të gjakut, ai përmirëson simptomat e inflamacionit. Në raste me probleme purulente me një stad të avancuar inflamacioni, iktamoli favorizon zbutjen e vatrës së infeksionit dhe nxjerrjen e qelbit jashtë. Kjo përgatesë është e përshtatshme për shumicën e rasteve, por mund të ketë kufizime për pamjen e papëlqyeshme, erën jo të këndshme, si dhe për faktin se nuk mund të përdoret në fytyrë.

### 2. PËRPARA SE TË PËRDORNI IKTIOL

#### Mos përdorni Iktiol:

- në qoftë se jeni alergjik nga sulfoiktiolati i amonit ose përbërësit e tjerë të pomadës.

#### Tregoni kujdes të veçantë me Iktiol

Iktiol është vetëm për përdorim dermatologjik dhe nuk duhet përdorur në mukoza, sy, buzë dhe në vrimat e hundës.

#### Marrja e barnave të tjera

Ju lutemi të kontaktoni me mjekun ose farmacistin tuaj në qoftë se jeni duke marrë / përdorur ose keni marrë / përdorur kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Iktiol në qoftë se ju jepet ndonjë bar tjetër gjatë trajtimit.

Megjithatë, eksperiencia klinike nuk ka identifikuar një ndërveprim të Iktiol si rezultat i administrimit lokal ose sistematik të barnave të tjerë njëkohësisht me këtë pomadë.

Shtatzënia dhe ushqyerja me gjí  
Kërkoni këshillën e farmacistit ose të mjekut përpara se të përdorni këtë bar.

Nuk ka të dhëna klinike në lidhje me përdorimin e Iktiol tek gratë shtatzëna apo gjatë ushqyerjes së fëmijëve me gjí.

#### Drejtimi i automjetit dhe përdorimi i makinerive

Efekti i këtij bari mbi aftësinë për të drejtuar automjetin dhe përdorur makineri është i padëmshëm.

### 3. SI TA PËRDORNI IKTIOL?

Gjithmonë përdoreni Iktiol sipas këshillës së mjekut ose farmacistit. Në qoftë se nuk jeni i sigurt, kontaktoni me mjekun ose farmacistin. Në qoftë se ndjeni që efektet e Iktiol janë shumë të forta ose shumë të dobëta, flisni me mjekun ose farmacistin tuaj.  
Për trajtimin e ekzemave kronike të formave të përshkruara më lart rekomandohet aplikimi i një sasive të mjaftueshme pomade sa për të mbuluar plotësisht vendet e dëmtuara të lëkurës, 1-3 herë në ditë. Doza që aplikohet varet nga sipërfaqja totale e dëmtimeve.  
Doza mund të ketë nevojë të rritet ose të reduktohet .Mjeku juaj duhet t'ju këshillojë si të veproni.  
Terapia duhet të fillojë sa më shpejt që të jetë e mundur që në momentin e shfaqjes së simptomave të para.

#### Në qoftë se përdorni më shumë Iktiol

Në qoftë se përdorni më shumë Iktiol se sasia që duhet të përdorni, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.  
Raste mbidozimi nuk njihen sepse përthithja nëpërmjet lëkurës është minimale.

#### Në qoftë se harroni të përdorni Iktiol

Në qoftë se harroni një dozë (ose më shumë dozë), përdorni dozën në vazhdim kur të jetë koha për përdorimin e zakonshëm të saj.  
Mos përdorni një dozë të dyfishtë (ose më të lartë) për të plotësuar dozën (dozat) e harruar(a).  
Në qoftë se keni pyetje të mëtejshme mbi përdorimin e këtij bari, pyesni mjekun ose farmacistin tuaj.

### 4. EFEKTE ANËSORE TË MUNDSHME

Si të gjithë barnat e tjera, iktamoli mund të shkaktojë efekte anësore, megjithëse jo çdokush i manifeston.  
Pjesa më e madhe e efekteve anësore janë të lidhura me dozën dhe zhduken kur doza reduktohet ose trajtimi ndërpritet. Disa efekte anësore mund të ndodhin në fillim të trajtimit dhe zhduken në mënyrë spontane me vazhdimin e mjekimit.

Efektet e padëshiruara që mund të shfaqen janë:

- irritim
- rritje e ndjeshmërisë së lëkurës.

Në qoftë se ndonjë prej efekteve anësore përkeqësohet, ose në qoftë se vëreni efekte anësore që nuk përmenden në këtë fletudhëzues, ju lutemi të lajmëroni mjekun ose farmacistin tuaj.

### 5. SI TA RUANI IKTIOL?

Mbajeni larg fëmijëve.

Mos e përdorni Iktiol pas datës së skadimit e cila është e shënuar në paketim.  
Mos e ruani mbi 25°C.  
Ruajeni në paketimin original për ta mbrojtur nga drita.

### 6. INFORMACION I MËTEJSHËM

#### Çfarë përmban Iktiol?

Lënda aktive është iktamol (sulfoiktiolat amoni).

1 g pomadë përmban 100 mg iktamol.

Përbërësit e tjerë janë: parafinë e bardhë, vaj parafine.

#### Përmbajtja e paketimit

Kuti me 1 tub 20 g.

#### Mbajtësi i Autorizimit për Tregtim dhe Prodhuesi:



PROFARMA sh.a.,  
Rruga "Skënder Vila",  
Tiranë, Shqipëri.  
Tel.: +355 4 23 89 602

Ky fletudhëzues u rishikua për herë të fundit në Janar 2024.

SPECIFICATION

CROPING AREA 12 x 19 cm

**PAY ATENTION**, all the layers are visible. If you have to print this document please check or uncheck the specific layers.